

Četvrtak, 19. 8. 2021.

Sredstva će se evidentirati, u razdjelu 35, glava 02, potrošačka jedinica 0022 - Univerzitet u Sarajevu - Prirodno-matematički fakultet, na ekonomskom kodu:

6137 - Izdaci za tekuće održavanje,
funkcija 094 iznos: 9.385 KM
VIII

Odobrava se unos sredstava (primljeni tekući transferi od Federacije 732112) u Budžet Kantona Sarajevo za 2021. godinu u iznosu od 9.405 KM koja su Univerzitetu u Sarajevu - Institut za jezik fakultet doznačena u svrhu realizacije projekata Instituta za jezik.

Sredstva će se evidentirati u razdjelu 35, glava 02, potrošačka jedinica 0030 - Univerzitet u Sarajevu - Institut za jezik, na ekonomskim kodovima:

6137 - Izdaci za tekuće održavanje, funkcija 094	iznos: 3.106 KM
8213 - Nabavka opreme, funkcija 094	iznos: 6.299 KM

IX

Odobrava se unos sredstava (primljeni tekući transferi od Države 732111) u Budžet Kantona Sarajevo za 2021. godinu u iznosu od 5.000 KM koja su Univerzitetu u Sarajevu - Institut za jezik fakultet doznačena od Ministarstva civilnih poslova BiH u skladu sa Ugovorom u svrhu realizacije projekata "Maternji jezik u funkciji povezivanja i čuvanja identiteta u evropskim integracijskim kontekstima".

Sredstva će se evidentirati u razdjelu 35, glava 02, potrošačka jedinica 0030 - Univerzitet u Sarajevu - Institut za jezik, na ekonomskom kodu:

6139 - Ugovorene i druge posebne usluge,
funkcija 094 iznos: 5.000 KM
X

Ministarstvo finansija će evidentirati i proknjižiti uplaćena sredstva i izvršiti plaćanje po nalogu resornih ministarstava, te pratiti utrošak istih.

XI

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-29941-8/21
05. augusta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 25. Zakona o mladima Federacije Bosne i Hercegovine ("Službene novine Federacije BiH", broj 36/10) i člana 4. stav (1) Odluke o uslovima i načinu predinvestiranja u poticajnu stanogradnju ("Službene novine Kantona Sarajevo", broj 25/21), Vlada Kantona Sarajevo, na 35. sjednici održanoj 05.08.2021. godine, donijela je

**ODLUKU
O USLOVIMA, KRITERIJIMA I POSTUPKU
UTVRĐIVANJA LISTE REDA PRVENSTVA MLADIH ZA
KUPOVINU STANA PO OSNOVU PREDINVESTIRANJA
U POTICAJNU STANOGRADNJU**

Član 1.
(Predmet)

Ovom odlukom propisuju se uslovi, kriteriji bodovanja, postupak podnošenja prijave i utvrđivanja liste reda prvenstva mladih za kupovinu stana po osnovu predinvestiranja u poticajnu stanogradnju, a za stanove koje ponude investitori po Javnom pozivu za prijavu investitora koji su zainteresovani da uz obezbjeđenje sredstava za predinvestiranje u poticajnu stanogradnju, ponude određen broj stambenih jedinica na području Kantona Sarajevo, po cijeni nižoj od tržišne, a koji raspisuje Ministarstvo komunalne privrede, infrastrukture,

prostornog uređenja, građenja i zaštite okoliša Kantona Sarajevo (u daljem tekstu: Ministarstvo).

Član 2.

(Značenje pojedinih pojmova)

Pojmovi upotrijebljeni u ovoj odluci imaju sljedeće značenje:

- "poticajna stanogradnja" je stanogradnja uz novčanu pomoć - podršku sredstvima obezbijeđenim u Budžetu Kantona Sarajevo,
- "kupovina stana po cijeni nižoj od tržišne cijene" je obezbjeđenje uslova sticanja vlasništva stana po nižoj cijeni od tržišne,
- "lice koje nema riješeno stambeno pitanje, je lice koje samo kao i članovi njegovog porodičnog domaćinstva, nisu vlasnici stana ili porodične kuće na teritoriji Kantona Sarajevo i u mjestu rođenja na području Bosne i Hercegovine,
- "invalidnost" - podrazumijeva procenat invalidnosti utvrđen u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99, 54/04, 39/06, 14/09, 45/16 i 40/18) i odredbom člana 39. Zakona o penzijskom i invalidskom osiguranju ("Službene novine Federacije BiH", broj 13/18),
- "član porodičnog domaćinstva" je bračni ili vanbračni partner, dijete rođeno u braku ili van braka, usvojenik i drugo lice koje je podnositelj prijave dužan održavati, a živi sa imenovanim u zajedničkom domaćinstvu u zadnje tri godine,
- "bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", broj 35/05, 41/05, 31/14 i 32/19),
- "vanbračna zajednica" je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", broj 35/05, 41/05, 31/14 i 32/19).

Član 3.

(Uslovi za kupovinu stana po osnovu predinvestiranja u poticajnu stanogradnju)

Uslove koje kandidat za kupovinu stana po osnovu predinvestiranja u poticajnu stanogradnju mora ispuniti su:

- da je starosne dobi od navršanih 18 godina do manje od navršanih 38 godina u momentu podnošenja prijave,
- da je državljanin Bosne i Hercegovine,
- da ima prebivalište na području Kantona Sarajevo,
- da nema riješeno stambeno pitanje,
- da nije bio vlasnik stana ili kuće koju je otuđio pravnim poslom.

Član 4.

(Kriteriji za bodovanje)

Kriteriji za određivanje broja bodova i utvrđivanja liste reda prvenstva kandidata su:

- stepen stručne spreme,
- broj članova porodičnog domaćinstva,
- priznati naučni rad, kulturni nastup i izložba, sportski i profesionalni uspjeh, svjetsko, evropsko i drugo javno priznanje za rezultat u radu,

- d) član porodice šehida, poginulog ili nestalog borca, ratnog vojnog invalida, nosioca ratnog priznanja i demobilisanog borca,
e) stepen invalidnosti,
f) zajedničko apliciranje bračnih ili vanbračnih partnera.

Član 5.

(Stručna sprema kandidata)

Broj bodova koji se dodjeljuje po osnovu kriterija stepen stručne sprema je:

a)	doktor nauka	14 bodova,
b)	magistar nauka ili završen drugi ciklus visokog obrazovanja sa ostvarenih ukupno 300 ECTS bodova	12 bodova,
c)	VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta	10 bodova,
d)	VSS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova	8 bodova,
e)	SSS	6 bodova,
f)	NS	4 boda.

Član 6.

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, za svakog člana porodičnog domaćinstva računajući i podnosioca prijave - 5 bodova.

Član 7.

(Priznati naučni rad, kulturni nastup i izložba, sportski i profesionalni uspjeh, svjetsko, evropsko i drugo javno priznanje za rezultat u radu)

- (1) Broj bodova koji se dodjeljuje po osnovu kriterija priznati naučni rad, kulturni nastup i izložba, sportski i profesionalni uspjeh, te svjetsko, evropsko i drugo javno priznanje za rezultat u raduje:

a)	osvajac medalje na svjetskom prvenstvu i olimpijadi u sportu ili osvajač svjetskog priznanja i nagrade u oblasti nauke, tehnike, kulture, umjetnosti i informatike uključujući i priznanja umjetničke kritike	10 bodova,
b)	osvajac medalje na evropskom prvenstvu u sportu ili osvajač evropskog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike	6 bodova,
c)	doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija	5 bodova,
d)	osvajac medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike	2 boda,

- (2) Maksimalan broj bodova po svim elementima iz stava (1) ovog člana je 10 bodova.

Član 8.

(Član porodice šehida, poginulog ili nestalog borca, ratnog vojnog invalida i demobilisanog borca)

Broj bodova koji se dodjeljuje po osnovu kriterija član porodice šehida, poginulog ili nestalog borca, ratnog vojnog invalida i demobilisanog borca je:

a)	član porodice šehida, poginulog ili nestalog borca	10 bodova,
b)	član porodice ratnog vojnog invalida	5 bodova,
c)	član porodice nosioca ratnog priznanja	4 boda,
d)	član porodice demobilisanog borca	3 boda,

Član 9.

(Stepen invaliditeta)

- (1) Broj bodova koji se dodjeljuje po osnovu kriterija stepen invaliditeta u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom je:

a)	za lice sa invaliditetom sa 20-30% oštećenja organizma	2 boda,
b)	za lice sa invaliditetom sa 30-40% oštećenja organizma	3 boda,
c)	za lice sa invaliditetom sa 40-50% oštećenja organizma	4 boda,
d)	za lice sa invaliditetom sa više od 60% oštećenja organizma	5 bodova,
e)	za svakih narednih 10% oštećenja organizma dodaje se po	2 boda,

- (2) Broj bodova koji se dodjeljuje po osnovu kriterija stepen invalidnosti u skladu sa odredbama člana 39. Zakona o penzijskom i invalidskom osiguranju je:

a)	za I kategoriju invalidnosti	10 bodova,
b)	za II kategoriju invalidnosti	5 bodova,

Član 10.

(Zajedničko apliciranje bračnih ili vanbračnih partnera)

- (1) Bračni ili vanbračni partner podnosi zajedno jednu prijavu uz ovjerenu izjavu koji će od njih biti podnositelj prijave.
(2) U slučaju da bračni ili vanbračni partner podnositelja prijave ispunjava uslove iz člana 3. ove odluke, dodaje se jedna trećina bodova koje dobije njegov bračni ili vanbračni partner po osnovu kriterija iz člana 5., 7., 8. i 9. ove odluke.

Član 11.

(Redoslijed na listi prvenstva u slučaju jednakog broja bodova)

U slučaju jednakog broja bodova, prednost na listi prvenstva se daje kandidatu koji je dobio veći broj bodova prema redoslijedu kriterija iz člana 4. ove odluke, a u slučaju istog broja bodova i po tom osnovu, kandidati se na listi prvenstva upisuju po abecednom redu prezimena i imena kandidata.

Član 12.

(Dokumentacija uz prijavu na javni poziv)

- (1) Uz prijavu na javni poziv, kao dokaz da ispunjava uslove iz člana 3. ove odluke i dokaz za utvrđivanje broja bodova po kriterijima iz člana 4. ove odluke, kandidat dostavlja slijedeću dokumentaciju:
- izvod iz matične knjige rođenih za podnosioca prijave i članove njegovog porodičnog domaćinstva,
 - uvjerenje o državljanstvu za podnosioca prijave, a u slučaju zajedničke aplikacije i za njegovog bračnog ili vanbračnog partnera,
 - CIPS obavještenje o prebivalištu za podnosioca prijave, a u slučaju zajedničke aplikacije i za njegovog bračnog partnera,
 - uvjerenje Ministarstva unutrašnjih poslova Kantona Sarajevo o kretanju za podnosioca prijave i njegovog vanbračnog partnera u slučaju zajedničke aplikacije,
 - uvjerenje Općinskog suda u Sarajevu da kandidat i članovi njegovog porodičnog domaćinstva nisu vlasnici drugog stana ili kuće na području Kantona Sarajevo,
 - za podnosioca prijave i njegovog bračnog ili vanbračnog partnera, koji su rođeni van područja Kantona Sarajevo, a na području Bosne i Hercegovine, uvjerenje nadležnog suda da nisu vlasnici stana ili kuće u mjestu rođenja, prema izvodu iz matične knjige rođenih,
 - izjavu kandidata ovjerenu kod nadležnog organa, da on i članovi njegovog porodičnog domaćinstva nisu bili vlasnici stana ili kuće koju su otuđili pravnim poslom,
 - diplomu o završenoj stručnoj sprema za podnosioca prijave, a u slučaju zajedničke aplikacije i za njegovog bračnog ili vanbračnog partnera,
 - ispravu odnosno mišljenje nadležne naučne, kulturne ili sportske institucije za kriterij iz člana 7. ove odluke,
 - ispravu nadležnog organa za kriterij iz člana 8. ove odluke,
 - ispravu nadležnog organa o stepenu invalidnosti,
 - izjavu ovjerenu kod nadležnog organa o zajedničkoj aplikaciji bračnih ili vanbračnih partnera.
- (2) Obrazac prijave i obrazac izjave iz stava (1), tačke g) i l), ovog člana podnosioc prijave preuzima sa web stranice Ministarstva.

- (3) Dokumentacija iz stava (1) ovog člana predaje se u originalu ili ovjerenom fotokopiji.
(4) Datum izdavanja dokumentacije iz stava (1), tačke b), c), d), e) i f) ovog člana, ne može biti stariji od tri mjeseca.

Član 13.

(Postupak podnošenja prijave i utvrđivanja liste reda prvenstva mladih za kupovinu stana po osnovu predinvestiranja u poticajnu stanogradnju)

Postupak podnošenja prijave i utvrđivanja liste reda prvenstva mladih za kupovinu stana po osnovu predinvestiranja u poticajnu stanogradnju se realizuje po sljedećoj proceduri:

- a) Ministarstvo, po zaključenju javnog poziva i odabiru investitora, koji su ponudili stambene jedinice na području Kantona Sarajevo, po cijeni nižoj od tržišne cijene, za te stambene jedinice raspisuje Javni poziv za utvrđivanje liste reda prvenstva mladih za kupovinu stana po osnovu predinvestiranja u poticajnu stanogradnju,
- b) javni poziv se objavljuje u najmanje jednim od dnevnih novina, na oglasnoj ploči Kantona Sarajevo, web stranici Kantona Sarajevo i web stranici Ministarstva, sa rokom ne kraćim od 30 dana za podnošenje prijave, prijava sa dokazima iz člana 13. ove odluke podnosi se komisiji koju imenuje ministar komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: ministar),
- d) komisija, po zaključenju javnog poziva, otvara sve prijave i poziva podnosioca prijave da dopuni prijavu i dokaze uz prijavu, ukoliko je ista nepotpuna u roku od sedam dana i provjerava da li podnosilac prijave ispunjava uslove iz člana 3. ove odluke,
- e) komisija odbacuje prijavu podnosioca koji u ostavljenom roku iz tačke d) ovog člana ne dopuni dokumentaciju i koji ne ispunjava uslove iz člana 3. ove odluke,
- f) komisija vrši bodovanje kandidata u skladu sa kriterijima iz člana 5. do 10. ove odluke,
- g) komisija utvrđuje nacrt liste reda prvenstva mladih za kupovinu stana po osnovu predinvestiranja u poticajnu stanogradnju i to odvojeno za pojedine lokacije, odnosno stambene jedinice za koje su podnesene prijave i objavljuje je na oglasnoj ploči Kantona Sarajevo, web stranici Kantona Sarajevo i web stranici Ministarstva,
- h) na nacrt liste reda prvenstva mladih za kupovinu stana po osnovu predinvestiranja u poticajnu stanogradnju, podnosilac prijave može u roku od sedam dana od dana objavljivanja nacrta liste reda prvenstva mladih za kupovinu stana po osnovu predinvestiranja u poticajnu stanogradnju izjaviti prigovor ministru,
- i) ministar razmatra prigovor, nakon čega pismeno obavještava podnositelja prigovora o donesenoj odluci po prigovoru,
- j) konačnu listu reda prvenstva mladih za kupovinu stana po osnovu predinvestiranja u poticajnu stanogradnju i to odvojeno za pojedine lokacije, odnosno stambene jedinice za koje su podnesene prijave, utvrđuje ministar i objavljuje je na oglasnoj ploči Kantona Sarajevo, na web stranici Kantona Sarajevo i web stranici Ministarstva.

Član 14.

(Postupak po konačnoj listi reda prvenstva)

- (1) Konačnu listu reda prvenstva za pojedine lokacije, odnosno stambene jedinice iz člana 13. tačka j) ove odluke,

Ministarstvo dostavlja izabranom investitoru, uz obavezu investitora, da u roku od 15 dana pozove kandidate prema redoslijedu sa konačne liste reda prvenstva za pojedine stambene jedinice i sa njima zaključi ugovor o kupoprodaji stana, a jedan primjerak ugovora obavezno dostavlja Ministarstvu.

- (2) U slučaju da pojedine stambene jedinice ostanu neprodane, a kandidat je u prijavi naveo kao alternativu zainteresovanost za tu stambenu jedinicu, Ministarstvo prema redoslijedu na konačnoj listi reda prvenstva, dostavlja investitoru podatke za te kandidate, uz obavezu da sa njima zaključe ugovor o kupoprodaji ukoliko su kandidati za to zainteresovani.

Član 15.

(Notarski obrađena isprava o obavezi kandidata)

Kandidat sa konačne liste reda prvenstva, koji zaključi ugovor o kupoprodaji stana sa investitorom, je dužan dostaviti Ministarstvu notarski obrađenu ispravu o obavezi kandidata koja sadrži sljedeće elemente:

- a) da je kandidat saglasan da neće otuditi stan, koji je predmet kupoprodajnog ugovora, u roku od pet godina od dana zaključenja kupoprodajnog ugovora i da će Ministarstvu do 30. januara svake godine dostaviti Izvod iz zemljišnih knjiga za tu nekretninu kao dokaz,
- b) da se kandidat obavezuje, da ukoliko ne izvrši obavezu iz tačke a) ovog stava, Ministarstvu izvrši povrat sufinansiranih sredstava uplaćenih investitoru od strane Ministarstva za predmetni stan, najdalje u roku od 30 dana po isteku roka iz tačke a) ovog stava.

Član 16.

(Ravnopravnost spolova)

Gramatička terminologija u ovoj odluci podrazumijeva uključivanje oba spola.

Član 17.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-29941-4/21
05. augusta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (2) Zakona o naučnoistraživačkoj djelatnosti ("Službene novine Kantona Sarajevo" broj 26/16), Vlada Kantona Sarajevo, na 35. sjednici održanoj 05.08.2021. godine, donijela je

ODLUKU

**O PRIHVATANJU ZAVRŠNOG IZVJEŠTAJA
EKSPERTNE KOMISIJE O PROVEDENOM POSTUPKU
PROVJERE UREDNOSTI ZAHTJEVA "VERLAB" D.O.O.
SARAJEVO I DAVANJA STRUČNOG MIŠLJENJA O
USKLAĐENOSTI ELABORATA, BROJ 27-01/2-34-2375-
5/21 OD 08.07.2021. GODINE I DAVANJU SAGLASNOSTI
NA ELABORAT O OPRAVDANOSTI OSNIVANJA
NAUČNOISTRAŽIVAČKOG INSTITUTA ZA
BIOMEDICINSKI INŽINJERING, MEDICINSKE
UREĐAJE I VJEŠTAČKU INTELIGENCIJU
VERIFIKACIONOG LABORATORIJA "VERLAB"
D.O.O. SARAJEVO**

I

Prihvata se Završni izvještaj ekspertne komisije o provedenom postupku provjere urednosti Zahtjeva "Verlab" d.o.o.